



*Selasa, 16 Juni 2023*  
**Ogen: Pengerana 11:7**




**Seh Kal Senangna**



**D**ibata i bas perkuah ateNa teptep wari mereken pasu-pasu ras pemereNa ku doni enda. Kai kin si perluken kita manusia, bage pe kerina asa si nggeluh i bas doni enda icukupi Dibata, janah tetap mbaru wari lepas wari. Tapi penungkunenna engkai maka mbue denga kalak kelsehen janah iakapna maka la ia kenan pasu-pasu Tuhan e? Tentu enda jadi penungkunen si seh kal belinna man banta.

Kepeken selain pasu-pasu berupa pemere lit kap tole nari bereken Dibata si jadi karunia man banta, kai e? Gelarna karunia menikmati berkat-berkat Tuhan. Kalak si ersada ras Tuhan, lanai bo kai pemere e si penting, kai bentukna, uga ergana rsd. Tapi kerembaken ras Tuhan, dengen penggejapen maka Tuhan e ndeher ras nggeluh i bas kegeluhenna, em si jadi perayaken, em si erbahanca ia puas. Bagi rasul Paulus, labo kejayan ras kesuksesen meritaken berita si meriah sierbahanca meriah ukurna, bas penjara pe ia tetap ermeriah ukur, erpalasken persadanna ras Tuhan e. *Kueteh ngen kai ertina nggeluh i bas kekurangan, janah kai ertina nggeluh i bas kelebihan, nggo kudat rahasia*na, nina i bas Pilipi 4:12. Maka beluh pe Paulus ngerana bage sabap enggo ialokenna Kristus bas pusuha, persadanna ras Kristus e erbahanca lit Karunia menikmati segala berkat Tuhan bas ia. Melehe pe meriah ukurta, gelap pe la aru atena, lit Tuhan si jadi sekawalna.

Kerembakenta ras Tuhan, bias min ndemi pusuhta. Sabap kerehenNa maba dame ras keriahen si tuhu-tuhu. Kalak si ersada ras Tuhan, ngasup ngidah kegeluhen e jadi pasu-pasu si mbelin. Sinalsal matawari e pe jadi keriahen ras sigejabken Dibata si engkelengi kita kap si erbahanca siidah denga e kerina.

 Perkuah ateNa mpengasup kita ngeriahken uga litna bas